



Тасвир

ЎЗБЕКИСТОН ССЖ ИИБ ҲАЙЪАТИ НАШРИ

№ 52 (2316)

1991 ЙИЛ 9 МАЙ

ПАЙШАНБА

БАҲОСИ 10 ТИЙИН

СЕРГАК ТУРИШИБДИ

ҲОДИСА ЮЗ БЕРГАН ЖОЙДА



Бугун тоғ этагидаги кичкинагина Жигаристон кўрғони ҳамманинг тилида. Бу ном айтилиши билан барчанинг дилини маъсумлик қамраб олади, шаҳид кетганлар руҳи олди-да бош эгилади, ақинларидан айрилганларга пичирлаб ҳамдардлик билдирилади. Қалин кўчки тагида ётган жажжи болакайлар, мунис келинчақлар, полвонсифат йигитлар, мушфиқ оналар, меҳрибон оталар ёди қаттиқроқ гапиришинга йўл қўймайди, гўёки тилинг танг-

лайинга ёпишиб қолгандай. Уша машъум тонгда 300 минг кубометрга яқин тоғ массаси кўрғон сари силжиб, 8 хонадон 15 метрдан 30 метргача қалин тупроқ тагида қолди. Кўчки яна «учта уйга каттагина талофат етказди. Воқеа содир бўлиши билан бу ерга биринчилардан бўлиб Ангрен шаҳар ИИБ бошлиғининг ўринбосари, милиция капитани Абдуразоқ Алиев бошлиқ милиционерлар етиб келишди.

— Фалокатдан ҳамма саросимага тушиб қолганди. Чунки рўй берган ҳодиса даҳшатли эди. Сурилган тупроқ ваҳимали кўринарди. Шу пайт кўчки рўй берган жойнинг шундоқ биқинида оқаётган сувга кўзимиз тушиб қолди, — дейди А. Алиев. — Агар унинг йўли тўсилмаса, иш янада қўйинлашиб, хавфли вазият туғдириши мумкин эди. Шунинг учун милиционерларнинг ярми вайрон бўлган хонадонлардаги одамларни қутқаришга жўнатилди. Қолганлар эса ҳалиги сув йўлини бекитишга шошилишди. Бироздан кейин бошқалар ҳам ёрдамга етиб келди. Сув йўли ўз вақтида тўсилди, хавфнинг олди олинди.

Шу куниниёқ Тошкент вилояти ИИБ бошлиғи, милиция полковниги Зокиржон Алматов бошчилигида штаб тузилди. 300 нафардан зиёд ички ишлар ходимлари кўрғонга жўнатилди. Мана бир неча кеча-кундуздан бери бу йигитлар жигаристонликлар молмулкни беэиён сақлашда, уларнинг янги уйларга кўчишига ёрдам бермоқда. Қўриқ материалларини ташишга кўмаклашмоқда.

4 майдан бери бу ерда 14 пост-патрул хизмати машиналари ҳамда 20 нафар ДАН ходими транспорт қатновини назорат қилиб, ишнинг тезроқ ва сифатли бажарилишига ўзларининг ҳиссаларини қўшмоқдалар. Ҳавфли зона деб ҳисобланган 4 километрик масофанинг ҳар уч метрида милиция ходимлари туну кун посбонликда турибдилар. Бу йигитларнинг мақсади тинчликни сақлаш билан бирга, янги ҳавф-хатарнинг олдини олиш ҳамдир. Шунинг учун ҳам улар тупроқ кўчки-сую, баланд тепалик бағирларида сергак турибдилар.

**А. ТИЛОВОВ,
Ҳ. ШОДИЕВ,**

[Суратлар муаллифи].
«Постда»нинг махсус муҳбирлари.

СУРАТЛАРДА: [чапдан] Ангрен шаҳар ИИБ бошлиғи милиция подполковниги Абдуқодир Юсупов, Оқкўрғон тумани ИИБдан — бошлиқ ўринбосари милиция катта лейтенанти Бозорбой Аҳмедов, бошлиқ милиция майори Эркин Абдуллаев, участка вакили Тўлқин Маматқулов, Ангрен шаҳар ИИБ бошлиғи ўринбосари милиция капитани Абдуразоқ Алиев; Чирчиқ шаҳар ИИБ патрул-пост хизмати рота командири милиция майори Федор Бенов; вайронгарчиликдаги иш.

Кўпдан қуён қочиб қутулмас

Кейинги пайтда қонунбузарликнинг кўпайиб кетганлиги ҳақида рўй-рост айтилмоқда, кундалик матбуот саҳифаларида ташвишли мақолалар тез-тез кўзга ташланмоқда. Маълумотларга кўра, ўта хавфли бўлган — одам ўлдириш, босқинчилик, фалончилик ва номусга тегиш каби жиноятларнинг анчагина қисми гиёҳванд моддалар ҳамда спиртли ичимликлар истеъмол қилиб олган кимсалар томонидан содир этилмоқда. Бундай нопок бандаларни қўлга олиш учун махсус, кучайтирилган гуруҳлар ташкил қилинди. Афсуски, гиёҳванд моддалар истеъмол қилувчилар сони камайиш ўрнига кўпайиб кетмоқда. Ҳаттоки овлоқ қишлоқлар у ёқда турсин, балким одамлар гавжум бўлган катта-катта шаҳар кўчаларида куппа-кундуз кунни ҳам наша чекиб юрувчилар сафи кенгайиб бормоқда. Энг ачинарлиси шундаки, уларнинг орасида ёш ёш норасидалар ва қиз-жувонлар ҳам учраб турибди. Тубанлик ботқоқига бунчалар ботишининг сабаби нимада?

Ўтган йили вилоятимизда ҳам гиёҳвандликка қарши кураш режа асосида олиб борилди. Лекин йил якуналари сарҳисоб қилинганда, 1990 йилда «банги»лар 1989 йилга нисбатан сезиларли даражада кўпайгани билинди.

Энди ўз-ўзидан савол туғилади. Нима учун шундай бўляпти? Улар маҳсулотни қардан олишмоқда? Кимлар уни ўстиради ёки қа-

ердан олиб келади? Қандай шахслар уни сотиш билан шугулланади?

Илгарилари кулфат келтирувчи бу гиёҳ чет мамлакатлардан келтирилса керак, деб ўз-ўзимизни алдадик. Вақт ўтгач, бу ўсимлик жумҳуриятимиз ҳудудининг турли бурчакларида кўплаб топилишини, ўстирилишини «англаб» қолдик. Унга қарши милиция, прокуратура, суд ходимлари биргаликда кураш бошлади. Менимча, бу кураш етарли эмас. Сабаби?..

Яхшиси ҳозирча туманимиздаги аҳвол билан сизни таништирай. Кейин сабабларга тўхталамиз.

Ўтган йили туманимиз ички ишлар бўлими ходимлари сезиларли ишларни амалга оширдилар. Кўплаб рейдлар ўтказдилар. Нагжада туман ҳудудида яшовчи 50 га яқин фуқароларнинг томорқасидаги 4 минг 224 квадрат метр ердаги кўкнори пайкаллари аниқланиб, улар йўқ қилиб ташланди. Айбдорларга нисбатан жиноий иш қўзғатилди ва халқ суди томонидан тегишли жазо берилди. Рейдлар натижасида 1,5 килограмм кўкнори ва 8 килограммдан ошмиқ наша жиноятчилардан олинди. Бахмал ўрмон хўжалиги ҳудудидаги 9 минг 675 квадрат метр майдонга экилган ажал уруғи бўлган гиёҳлар йиғиштириб олинди, ёқиб юборилди.

Наркотик моддалар сақловчи ва соғувчи шахсларни аниқлаш, уларга нисбатан тегишли чора кўриш

бу йил ҳам давом этмоқда. Яқинда ходимларимиз томонидан туман ҳудудида истиқомат қилувчи Холматовнинг уйида таъқиқланган модда сақланаётганлиги аниқланди. Текширув пайтида бу шахснинг хонадонидан тўрт килограмм наша чиқди. Бундан ташқари илгари қамоқда ўтириб чиққан Пётр Ненковнинг уйдан ҳам анчагина наша топилди. Улар устидан жиноий иш қўзғатилиб, қил-ишларига яраша жазо олдилар.

Гиёҳвандлик энг тубан хасталиқдир. Уни даволагандан кўра, олдини олган маъқул. Шунинг учун ҳам ходимларимиз аҳоли ўртасида тушунтириш ишларини олиб бормоқдалар. Осойишталик посбонлари турли ташкилотлар, корхоналар ва хўжаликларда бўлишиб, фуқароларга гиёҳвандликнинг зарарли оқибатларини ҳақида сўзлаб бермоқдалар. Гиёҳвандлик инсон ҳаётини аста-секин емириб, ҳалоқатга олиб келишини, жиноят содир қилишга етаклашини мисоллар орқали кўрсатиб, туман рўзномасида чиқишлар қилмоқдамиз. Афсуски, уларнинг таъсири кам бўлмоқда. Ҳамон жиноятларнинг анча қисми «банги»лар томонидан содир этилмоқда.

Нега шундай? Боя мен унинг баъзи сабаблари бор дегандим. Энди шунга тўхталмоқчиман. Гиёҳвандликнинг турган битгани зарарли ҳамда ундан ташқари жиноят эканлиги ҳақида деярли ҳар кун гапираямиз, ойнаи жаҳон орқали хор бўлган кимсаларни кўр-

сатаямиз, рўзномаларда қонунбузарларнинг сурати ва исм-шарифи билан таништириб бораёلمиз. Лекин айрим фуқаролар ўз билганидан қолишмаяпти. Баъзи бир кимсалар томорқасининг одамлар назари тушмайдиган ерларига, овлоқ жойларга ҳамон кўкнори уруғи сепишяпти. Қўлга тушгач эса, ўзини гўёки бу ўсимликнинг зарари ва уни экиш, парваришlash таъқиқланганлиги ҳақида биринчи бор эшитаётгандек қилиб кўрсатади. Баъзи бир кимсаларнинг нима иш билан шугулланаётганлигини кўни-қўшнилари, маҳалла-кўйдаги фуқаролар сезишади, билишади. Афсуски, бу ҳақида лом-лим дейишмайди. Билганларини ҳам милициядан яширадилар. Вақти келганда эса «милиция ҳеч қаерга қарамаяпти» дея гап тарқатишади. Шу ҳолатда қандай қилиб кенг тарқалган гиёҳвандликка қарши курашиб бўлади?

Тўғри, аҳоли тинчлиги учун жавоб берувчи, ички ишлар ходимлари жиноят қилганларни аниқлаб, эрта-ки-кечи уларнинг қўлига кишан солади. Кўпчилиги бу ишда бир тан-бир жон бўлиб милицияга ёрдам берса, шубҳали ҳаракат қилаётган шахслар ҳақида ўз вақтида ички ишлар ходимларига хабар қилса, ҳар хил жиноятнинг кескин камайишига катта ҳисса қўшган бўларди. Бекорга «кўпдан қуён қочиб қутулмас» демайдилар-ку.

А. САТТОРОВ,
Бахмал тумани ИИБ бошлиғи, ҳуқуқшунослик фаилари номзоди.

9 МАЙ — ҒАЛАБА КУНИ



ҚИРҚ БЕШИНЧИ ЙИЛ ЁМҒИРИ...

Ёмғир шитирлайди. Майсалар унар Заминнинг кул босган далаларида. Ёмғир шитирлайди. Малҳам қўйилар, Ватаннинг тўрт йиллик яраларига. Ёмғир шитирлайди. Мисли хушхабар, Борлиққа сочилар маржон доналар. Севинч ёмғирда ивиб жилмаяр, Фарзанди жанггоҳдан қайтган оналар. Ёмғир шитирлайди. Отасиз қолган

Улуғ Ватан уруши совет халқи учун оғир кечди. Шонли ғалабага эришиш жуда қимматга тушди. Не-не ўрлонлар бевақт мангуликка бош қўйдилар. Улар орасида ўзбек милицияси вакиллари ҳам бор.

Йигитларнинг кўплари уруш бошланган дастлабки кундан оқ кўнгилли равишда фронтга жўнаб кетдилар. Тошкент милиция мактаби курсантларининг қарийб ярми, командир-ўқитувчилар таркибининг ўттиз фоизи, Самарқанд милиция идоралари ходимларидан 148 киши биринчи кунлардан бошлаб ўзбек миллий дивизияси ҳамда афсонавий генерал Панфилов дивизияси сафида жангга кирдилар. Умуман олганда ички ишлар ходимларининг 600 дан ошғи, урушнинг ilk дақиқасидан жанг бошладилар. Ва ўзларининг қаҳрамонликларини намойиш этдилар. Урушгача Қува тумани ИИБ паспорт столининг бошлиғи бўлиб ишлаган Мўйдин Ҳасанов жангларда кўрсатган жасорати учун Совет Иттифоқи Қаҳрамони деган юксак унвонга эга бўлди. Уша даврда бундай шарафли номга урушдан кейин жумҳурият ИИБнинг тергов бошқармаси бошлиғи даражасигача кўтарилган, истеъфодаги ички хизмат полковниги А. Голубенко, Самарқанд вилояти ИИБ бошлиғининг собиқ ўринбосари, истеъфодаги ички хизмат полковниги И. Кирпиченколар ҳам есазовор бўлишди.

Уруш йилларида ички ишлар идоралари ходимларининг мамлакат ичкарисидаги вазифалари ҳам ниҳоятда кўпайди. Фақат юксак жамоат тартибини таъминлаш, кино-тчиликка қарши кескин кураш олиб боришга қолмай, фронт ортини душманнинг кўпоруқчилик ҳаракатларидан қўриқлаш ҳам лозим эди. Милиция ходимларидан ўша

даврда юксак ҳушёрлик талаб қилинарди.

Милиция ДХҚ билан биргаликда ҳарбий ва меҳнат фронтдан қочишга, ҳар хил миш-мишлар ва ваҳима тарқатувчиларга қарши кескин кураш олиб борди.

ИИХК ва милиция ходимларининг жамоалари бутун совет халқи билан биргаликда ўзларининг шахсий жамғармаларидан Ватан мудофааси фондига пуллар, қимматбаҳо буюмлар ва бошқа камёб нарсаларни топширдилар.

Олий Бош Қўмондондан олинган ҳукумат телеграммаларидан бирида: «Совет

Социалистик Жумҳуриятлари Иттифоқининг мудофаа фондига ўттиз беш минг сўм нақд пул ва саксон минг сўм давлат заёмлари облигацияларини тўплаган Қашқадарё вилоятининг милиция ходимларига меннинг жанговар саломим ва Қизил Армиянинг миннатдорчилигини етказинг», — дейилган эди.

Бу миннатдорчилик хати Ўзбекистон милициясининг тарихи ва жанговар шўхрати музейи кўрғазмаларида ўзининг муносиб ўрнини эгаллаб турибди.

Уруш пайтида фуқароларнинг катта-катта оқимларининг фронт атрофи туманларидан шарққа томон силжиши бошланди. Тошкентга ва Ўзбекистоннинг бошқа шаҳарларига ўн минглаб эвакуация қилинган кишилар келди. Уларнинг орасида кўплаб жиноий унсурлар ҳам бор эди. Бундан ташқари милициянинг энг муҳим вазифаларидан яна бири аҳо-

Улуғ Ватан уруши қатнашчиси, Янгиер тумани ИИБнинг собиқ бошлиғи Мейрмон Кенжабоев учун ўз ўтмишини эслаш жуда оғир. Чунки унинг ёшлик йиллари серташвиш кечди. Уч ёшда онасидан жудо бўлгач, Тошкентдаги болалар уйига келтирилди. Мейрмон бу ерда тарбияланди ва ўқиди. Эндигина билим юртини тугаллаб, муस्ताқил ҳаётга қадам қўйган пайтида эса уруш бошланди. Кўпчилик кўнгилчилар қатори бу йигитча ҳам фронтга жўнатишларини сўраб ҳарбий комиссариатга мурожаат қилди. Лекин ўша заҳоти рад жавобини олди. Шундан сўнг у 1942 йилнинг май ойигача Хива шаҳар комсомол кўмитасининг котиби лавозимида ишлади. Кейин

Улуғ Ватан уруши қатнашчиси Қўчқор ака Муҳамедов мана 28 йилдирки ИИБ қошидаги автоҳўжаликда чилангар бўлиб ишлаб келмоқда. Ўз ишининг моҳири Қўчқор ака ёшларга меҳрибон мураббий. Меҳнат қилаётган жамоасида ҳамма унинг номини ҳурмат билан тилга олади. Уруш бошлан-

ган пайтда танкчилар билим юртида ўрганганлари Қўчқор акани ҳар бир темирнинг тилига тушунадиган да-

эса фронтга жўнаб кетди. М. Кенжабоев Ленинградни фашист босқинчиларидан ҳимоя қилишдаги беаёв жангларда мардлик ва қаҳрамонлик намуналарини кўрсатди. Ғалабани эса ўз юртида нишонлади. Чунки ярадор бўлиб узоқ вақт госпиталда даволанган бу жангчи ҳарбий хизматга яроқсиз, деб топилиб уйига жўнатиб юборилганди. Бундай оғир жароҳатдан кейин ҳам М. Кенжабоев тинчгина ҳаёт кечирини ўзига эп кўрмади. У ички ишлар халқ комиссарлиги Хоразм вилояти бўлимида ўз фаолиятини давом эттирди. Уруш тугаб, юртимизда тинчлик ўрнатилгандан кейин эса махсус милиция мактабида ўқиди.

Оддий милиционерликдан то

милиция подполковниги даражасига кўтарилган М. Кенжабоев жуда кўплаб жиноятчиларни зарарсизлантирди. Жамоат тартибини сақлашга, халқ осойишталигини таъминлашга катта ҳисса қўшди.

Ҳозир Мейрмон ака кескалик гаштини сурмоқда. Бироқ бошидан кечирган қийинчиликлар, даҳшатли уруш суронлари, ҳалок бўлган қуролдош дўстлари ҳеч қачон ёдидан чиқмайди. Шунинг учун бўлса керак, у ўзи жанг қилган Ленинград шаҳридаги биродарлик қабрисинини зиёрат қилиб туради.

Мирзаназар КАРИМОВ, УзССР ИИБ музейининг бошлиғи, милиция подполковниги.

ражага етказган бўлса ажаб эмас.

СУРАТДА: Қўчқор ака МУҲАМЕДОВ.



Мурғак гўдакларнинг кўз ёшларидай. Ёмғир шитирлайди. Сўнгсиз армонлар — Тул қолган аёллар бардошларидай. Ёмғир шитирлайди. Яшна дала, қир, Завқ инар борлиқнинг томирларига. Осон бўлган эмас етмоқлик, ахир, Қирқ бешинчи йилнинг ёмғирларига. Ёмғир шитирлайди. Кетамиз яйраб, Биз — шу ёмғирдан сўнг унган майсалар. Кошқийди, Дунёнинг бор майсалари Бахтли ёмғирларга ета олсалар.

Зикрилла НЕЪМАТОВ, милиция лейтенанти.

лини озиқ-овқат ва саноат моллари билан таъминлашдаги камчиликлардан фойдаланиб, бойлик ортиришга интиланларга қарши кескин кураш олиб бориш эди. Ўзбек милициясининг ОБХСС аппаратлари озиқ-овқат ва саноат карточкаларини сохталаштириш, ўғирлашлар ва уларни тарқатишдаги сунистеъмомларга қарши курашда катта иш олиб бордилар.

Мудҳиш жиноятларни асосан дезертирлар ҳамда армияда хизмат қилишдан қочиб юрганлар содир қилар ва уларда кўпинча қурол бўларди. Бундай шахсларга қарши Ўзбекистон ССЖ ич-

да қатнашди. Довюрраклиги учун қатор ҳукумат мукофотлари билан тақдирланди. Тошкент махсус милиция ўрта мактабида ўқитувчилик қилган подполковник И. Аглюллин фашизмнинг таянч қўрғони — Берлинни штурм қилишда қатнашди. Ва у уруш даврида тўртта орден ва медаллар билан мукофотланди.

Тошкент шаҳар ИИБ моторлашган дивизиони командири бўлиб ишлаган Владимир Мўминов уруш йилларида юз миллиметрли ўзиюлар қурилмалар батареясига командирлик қилди. Ўзбек деҳқони оиласида ўсиб улғайган

шиб, кўпгина орден ва медаллар соҳиби бўлган ички хизмат полковниги Нина Горбина яқинда жумҳурият ички ишлар вазирлиги котибияти бошлиғи лавозимидан истеъфога чиқди.

Учала даражадаги Шўхрат ордени нишондори, 1945 йилнинг 24 июнида Москвада бўлиб ўтган Ғалаба парадига қатнашган ички хизмат полковниги Ғ. Валиев яқин-яқинларгача жумҳурият ИИБда, Наманган ИИБда раҳбар лавозимларда ишлади. Яна бир учала даражадаги Шўхрат ордени нишондори Тожибой Ражапов Совет Армияси сафидан бўшаб келгандан кейин, 1947 йили йўлланма билан Андижон вилояти ИИБга ишга кирди. Шу ўринда жумҳурият ички ишлар вазирининг ўринбосари бўлиб ишлаган, милиция генерал-майори Ш. Ҳасанбоев ҳақида гапириб ўтмаса бўлмайди. У киши урушда полк штаби бошлиғи сифатида кўпгина ҳаёт-мамонт жанглариде аскарлар билан ёнма-ён туриб фашистларга қарши курашган. Анчагина хайрли ишларни амалга оширган. Ана шундай табаррук инсон яқинда истеъфога чиқди.

Улуғ Ватан уруши совет кишиларининг, шу жумладан милиция ходимларининг ватанпарварлигига ва бошқа маънавий-ахлоқий вазифаларига қаттиқ синов бўлди. Ундан шараф билан ўтган милиция ходимлари совет кишиларининг тинч ҳаётини турли ғаламислар тажовуздан муҳофаза қилиш каби яна бир кураш майдонида ҳам фидокорлик кўрсатдилар ва кўрсатмоқдалар.

Р. ҚОШИМОВ, ССЖИ ИИБ ёнғидан сақлаш олий муҳандислик-техник мактаби Тошкент куллиётининг катта илмий ходими, ҳуқуқшунослик фанлари номзоди, ички хизмат полковниги.

ЖАНГГОҲЛАРДА ТОБЛАНИШГАН

ки ишлар халқ комиссарлиги қошидаги босқинчиликка қарши кураш бўлимининг ходимлари аёвсиз жанг олиб бордилар.

Совет давлати Улуғ Ватан уруши йилларида болаларни қўтқаришга ҳар томонлама ғамхўрлик қилиб келди. Жумҳурият милиция идораларининг ходимлари ҳам болаларни эвакуация қилиш ва уларни жойлаштиришда бевосита иштирок этдилар.

Улуғ Ватан урушида минглаб милиция ходимлари ҳалок бўлдилар. Улар орасида омон-эсон қайтиб келганлари ва яна ички ишлар идораларида ишни давом эттирганлари ҳам кўп. ССЖИ ички ишлар вазирлиги Тошкент олий мактабининг собиқ кафедра мудири, ҳуқуқшунослик фанлари номзоди Г. Убайдуллаев уруш йиллари 72-гвардиячи дивизионинг пулемётчилар взводига командирлик қилди. У Белгород, Харьков учун жанглар-

бу иштининг исми Владимир бўлиб қолганлигининг бойси бор. Унинг отаси босмачиларни тор-мор қилишда фаол қатнашиб, ўз фарзандига пролетар инқилобининг доҳийси В. И. Ленин исмини қўйган эди. В. Мўминов ҳарбий хизматдан қайтиб келганда, унинг кўксини ўн битта жанговар орден ва медаллар бозаб турарди. Ўн иккинчиси — «Жамоат тартибини сақлашдаги аъло хизматлари учун» медалини милиция идораларида ишлаб юрган вақтида олди.

Собиқ жангчи Дина Люжаровская ички ишлар идораларида хизматини давом эттирди. Улуғ Ватан уруши йилларида турли бомбардимончи, штурмчи самолётларни узоқ масофаларга учинишга тайёрлашда қатнашган Нина Красикова эса Ўзбекистон ССЖ ички ишлар вазирлиги котибиятида узоқ йиллар инспектор бўлиб ишлади. Жанггоҳларда фаол қатна-

ОҚСОҚОЛ

Ульянов туманидаги «ССЖИ 60 йиллиги» давлат хўжалиги марказида қатор тушган икки қаватли коттежлар жойлашган. Уларнинг бирида участка вакили ва жамоатчилик тартибини сақлаш пункти бор. Хоналарни кўздан кечирамиз. Участка вакили, ўртоқлик суди, балагатга етмаганлар иши бўйича шуғулланувчи инспекция учун алоҳида-алоҳида хоналар ажратилган. Уларнинг барчаси дид билан безатилган, махсус кўргазмали қуроллар осилган. Радио, телевизор, рўзнома ва ойномалар тахталари. Участка хартаси. Қўйиники, бу ерда участка вакилига зарур бўладиган ҳамма нарса муҳайё.

— Илгари мана шу жой ташландиқ ҳолда ётарди, — дейди ҳамроҳим, Қашқадарё вилояти ИИБ шахсий тартибни тарбиялаш, ижтимоий ва ҳуқуқий ҳимоя қилиш бўлими катта инспектори, милиция катта лейтенанти Шуҳрат Шодмонов. — Қўйли ака бу ерга ишга келгач, ҳамма томонни ўзи таъмирлаб чиқди. Хаттоки, қўлидан келар экан, мана бу девордаги расмларни ҳам эринмасдан чизди. Меҳнатқилиги, дилкашлиги учун бу кишини ҳамма яхши кўради, ҳурмат қилади. Шунинг учун ҳамда тадбиркорлиги, ўз касбини яхши эгаллаб олгани сабабли Қўйли акага бириктирилган ҳудудда камданкам жиноят содир бўлади.

Мен ҳам хизмат сафарлари давомида кўплаб участка вакиллари иш хонасида бўлганман. Лекин Ульянов тумани ИИБ катта участка вакили, милиция майори Қўйли Раҳматуллаев кабинетидек жойни учратмаганман. Маълумки, саранжом-саришталикини ёқтирадиган ҳар бир инсоннинг ишида унум ҳам бўлади.

Қўйли ака шу тумандаги Қўлариқ қишлоғида туғилиб, воёга етди. 8 яшарлик пайтида икки синглиси билан онаси қўлида қолди. Меҳнат билан суяги қотди. Армияда йигитлик бурчини ўтаб қайтгач, ички ишлар идораларида хизмат қила бошлади. Ўшанга ҳам 20 йилча бўлиб қолибди. Қарийб ўн беш йилдан бери участка вакили лавозимида ишламоқда. Шу давр ичида у не-не кунларни кўрмади дейсиз. Неча тунларни бедор ўтказди, қанчалаб таҳликали дақиқаларда ўзининг неларга қодирлигини кўрсатди.

— Қишлоқда ишлаётган участка вакили қандай воқеаларга дуч келмайди дейсиз. Улар қишлоқда яшаётган ҳар бир фуқаронинг характери билниши, шунга қараб муомала қилиши лозим, — дейди Қ. Раҳматуллаев. — Бунинг учун эса одамлар орасида бўлишимиз, тўй-маъракасига қатнашимиз шарт. Мен ўзимга бириктирилган ҳудудга қарашли жойдаги ҳар бир тадбирдан қолмайман. У ерда ҳам кузатувчи бўлиб турсанг ярашмайди, унда аҳолидан узоқлашиб кетасан. Шу сабабли қаерга бормайин, қўлимдан келганча одамларга у-бу ишда ёрдам бераман. Элининг ичида юрганган кейин ким нима билан шуғулланаётганини дарров сезасан. — Бизнинг ишда

энг муҳими ҳам шу. Бирор кўнгилсизлик бўлса, дарров қўли эгрилар хаёлингдан бирма-бир ўтади. Бу қайси бирининг иши эканини дарров сезасан. Қолгани... қолгани, мен сизга айтсам, тажрибага боғлиқ.

Қ. Раҳматуллаевнинг ташкилотчилик қобилиятини, ўз ишининг ҳадисини пухта ўзлаштирганини ҳисобга олган Ульянов тумани ИИБ раҳбарлари уни бир неча бор оператив ҳолат мураккаб ва жиддий бўлган жойларга ишга жўнатарди. У 1985 йилгача энг оғир ҳисобланган «Ўзбекистон комсомоли 50 йиллиги» давлат хўжалиги ҳудудида тер тўқди. Ишлар жойига тушгач, аҳвол оғирлашиб қолган участкага сафарбар этилди. Милиция майори бу ерда ҳам фуқароларнинг кўмаги билан намунали жамоат тартиби ўрнатилишига эришди.

Бу даврга келиб Човқай қишлоқ Шўросига қарашли бўлган жойларда аҳвол оғирлашиб қолганди. Олдинги йилларга нисбатан давлат ва жамоат ҳамда фуқаролар мулкни ўғирлаш каби жиноятлар сони кўпайиб, ҳар хил ҳуқуқбузарликларнинг очилиши камайиб борарди. Бу эса ўз навбатида кўнгилсизликларнинг томир отишига туртки бўларди. Нима қилиш керак? Туман ИИБ раҳбарларининг қарорига биноан бу ерга 1987 йили Қ. Раҳматуллаев участка вакили қилиб юборилди.

Бириктирилган ер анчагина катта бўлиб, ўн саккиз аҳоли пунктида 12 мингдан зиёд киши яшарди. Бундан ташқари Қарши паррандчилик фабрикасининг филиали, Шакаржўй пахта қабул қилиш ва сақлаш пункти, туман матлубот жамиятининг бетон ишлаб чиқарадиган цехи, туман сув шахобчалари тармоғи идораси, ҳунар-техника билан юрти шу ҳудудда жойлашганди. Қ. Раҳматуллаев тез орада бу ердаги етакчилар ва фаоллар билан мустақкам алоқа боғлади. Жойларда бўлиб, фуқаролар билан суҳбатлашди, керакли маслаҳатлар сўради. Ўз атрофига жонқур ёшларни тўплаб, уларнинг ёрдамига таянди, ҳар бир шубҳали шахс кузатилди. Бу қисқа вақт ичида ўз самарасини берди. Жиноятчилик кескин камайди. Масалан, 1986 йилда бу ерда 18 жиноят содир этилган бўлса, 1987 йили бу кўрсаткич иккитани ташкил этди. Бошқача айтганда бир йил ичида ҳуқуқбузарлик ўн олтигага камайди. Давлат, жамоат ва фуқароларнинг мулкни ўғирлашга умуман йўл қўйилмади.

Келинг, барчани қизиқтирган бир саволнинг жавобини олайлик. Нима сабабдан Қўйли ака хизмат қиладиган участкада тартибузарлик тезда камайиб, жиноятчилар жимиб қолишади?

— Бу унча мураккаб эмас. Маълумки, кўпгина қишлоқларда ёшларнинг деярли барчаси ишсиз юришади. Хатто баъзи-бир бола-чақали одам-

лар ҳам иш тополмай бекорчиликда кун ўтказадилар. Юмуш билан банд бўлмаган бундай шахслар билиб-билмай жиноят қилиб қўйишади. Одатим бўйича биринчи навбатда ана шундайларнинг фикрига қулоқ тутаман, иложи борича уларни ишга жойлаштиришга ҳаракат қиламан, — дейди Қ. Раҳматуллаев.

Милиция майорининг бу иш услуби мана 15 йилдирки ўз самарасини бериб келмоқда. Тартиб-интизомни ҳар доим бирдек сақлаб келаётгани, катта-кичик билан тезда тил топиб кетиши, инсонларга ғамхўрлиги учун у кўнчилигининг ҳурматини қозонган. Шунинг учун ўтган йили Қўйли ака саккизинчи бор қишлоқ Кенгаши ноиблигига сайланди. Милиционер-ноибнинг елиб-югуриши натижасида ўтган йили «ССЖИ 60 йиллиги» давлат хўжалигининг марказий қўрғонидан бир қатор ободонлаштириш ишлари бажарилди, аҳолининг тоза ичимлик сув, газ, савдо, тиббиёт хизматига бўлган аҳтиёжини қондиришда анчагина хайрли юмушлар амалга оширилди.

Эл осойишталигини сақлашдек муқаддас, шу билан бирга таҳликали хизмати учун милиция майори Қўйли Раҳматуллаев муносиб тақдирланган. ССЖИ ва жумҳурият ички ишлар вазирлиги, вилоят ИИБ ва партия ташкилотлари томонидан унга берилган Фахрий ёрликлару эсдалик совгалари анчагина. Қўксига «Милиция аълочиси», «ССЖИ ИИБдаги аъло хизмати учун» нишонлари тақиб қўйилган. Яқинда унга «Хизмат кўрсатган участка вакили» деган унвон ва кўкракка тақиладиган нишон топширилди. Биз борган кун Қўйли ака вилоят марказидан «УАЗ-469» белгили машинани олиб келган экан. Милиция сафида кўп йил бениқсон ишлагани учун белгиланган вақтини ўтаб бўлган бу машина ички ишлар бошқармаси раҳбарияти кўрсатмасига биноан анча арзон нархда унга сотилибди. Бу ҳам ҳурматнинг бир нишонаси.

Қўйли ака аълочи милиционер, ишчан ноиб бўлишдан ташқари каттақон оилани бошлиғи ҳам. У турмуш ўртоғи Момонор опа билан тўққиз фарзандни тарбиялаб, воёга етказмоқда.

У билан хайрлашаётганимизда бир киши келиб тўйга айтиб кетди. «Ўзингиз бақовуллик қилмасангиз бўлмайди, албатта боринг», — дея қайта-қайта такрорлади. Тўй-боши бўлиш ҳар кимга ҳам nasib этавермайди. Бундай фахрли ўринга эл назарига тушган, олқишга эга бўлган оқсоқолларгина сазовор бўлишади. Участка катта вакили, милиция майори Қўйли Раҳматуллаев ҳам одамлар ҳурматини қозона олган, фахрли инсонлардан бири.

Мўмин МИРЗО.



ЖИНОЯТНИНГ тез ва соз очилишида жиноят қидирув ходими билан эксперт-криминалистнинг ҳамкорлиги катта роль ўйнайди.

СУРАТДА: Қўқон шаҳар ИИБ ЖҚБ катта опервакили, милиция катта лейтенанти Нуъмонжон Етмишбоев ва эксперт-криминалист, милиция капитани Раҳмонжон Шокиров (ўнгда).

Ғулможон УБАЙДУЛЛАЕВ олган сурат.

БИЗГА ЖАВОБ БЕРАДИЛАР

КўНГЛИМИЗ ТАСКИН ТОПДИ

Андижон шаҳридаги ипгазлама ишлаб чиқариш бирлашмасида ташмачилик ҳаракати авж олиб кетганлигини рўзномамизнинг ихломандлари яхши билишади. Ахир, бу ҳақда бир эмас, икки марта чиқиш қилдик. Дастлаб 26 январь кун «Қилмиш-қидирмиш ёки андижонлик ташмачилар ҳақида», кейинроқ мутасадди ташкилотлардан жавоб бўлавермагач, 11 апрель кун «Рағбатлантириш ёки ўрганган кўнгил ўртанса қўймас» сарлаҳалари остида мақолалар эълон қилиб, аччиқ бўлсада, ҳолис фикрларимизни билдирдик. Шундан кейингина жумҳурият енгил sanoat вазирлигидан ҳамда Андижон вилояти ижроия қўмитасидан жавоб хатлари олишга муваффақ бўлдик.

Лекин, минг афсуски, қувончимиз узоққа чўзилмади. Нега деганда, ҳар икки нуфузли ташкилотдан келган жавоб хатлари бизни умуман қониқтирмади. Бу хатларда ташмачилик йўлига тўсиқ қўйиш борасида бирорта амалий ҳаракат қилингани сезилмади. Фақат қуруқ гаплардан нарига ўтилмаган эди. Биз бу ҳақда ҳам рўзномамизнинг 18 апрель кунги сонидан муносабатимизни билдирганмиз.

Яқинда эса танқид қилинган жойнинг ўзидан — Андижон ипгазлама ишлаб чиқариш бирлашмасидан жавоб хати олдик. Бош директор ўринбосари ўртоқ К. А. Тожибоев имзо чеккан хатдан, ниҳоят, бу ишга кўнгилдан чиқариб ёндашилганини сездик. «...Бирлашманинг ишга туширилганига ўн йил бўлишига қарамай, шу пайтгача ташмачилар йўлига тўғаноқ қўйиш борасида етарли иш олиб борилмаган, — дейилди мазкур хатда. — Ўтган давр ичида қанча-қанча катта-кичик раҳбарлар келиб кетмади. Уларнинг айримлари қўлдан келганча ўткир муаммони ҳал этиш учун ҳаракат қилиб кўришди, айримлари эса фақат меҳнат қилаётган жамон аъзолари шаънига асоссиз таъна то-

шини отишдан бўшашмади. Лекин амалда бирлашманинг 82 гектарлик ҳудудини ўраб турган деворларнинг пастлиги, дарвозаларнинг кўпи ўғирлик қилишга гоят мослиги ҳеч кимни жиддий ташвишга солмади. Хатто корхонамизга кириб-чиқишни тартибга солувчи йўриқнома ёки қондалар ҳам тасдиқланмаган экан...»

Яна хатда ёзилишича, рўзномамиздаги танқидий чиқишлардан кейин бу ишга эътибор кучайтирилди. Энг аввало бирлашманинг маҳсулот чиқарадиган асосий қисми марказий қозонхона, бош энергетика ва бош механика бўлимлари каби ёрдамчи қисмлардан ажратилди. Деворларнинг баландлиги бир метр кўтарилди.

Дарвозалар сони учтага қисқартирилиб, маҳсулот ишлаб чиқариладиган асосий корхоналарга транспорт воситалари фақат битта дарвозадан кириб-чиқадиган қилинди. Қолаверса, кириб-чиқайдиган транспорт воситаларини электрон машиналарда рўйхатга олиш йўлга қўйилди. Қоровуллар учун махсус жой қурилди.

Яна шу нарса хатда қайд этилганки, бирлашмани эгриқўлли қимсалардан қўриқлашни кучайтириш чоралари қурилди.

Яна бир марта такрорлаб айтишимизки, муаммони бартараф этиш борасида жумҳурият енгил sanoat вазирлиги ҳамда Андижон вилояти ижроқўми хатларидан кўра бирлашма маъмуриятининг тадбирлари аҳамиятлироқдир. Биз шундай ҳулосага келдикки, агар улар ҳозирги ишлар билан чекланиб қолмай, кадрлар билан ишлашни янада кучайтирсалар, ҳар битта ўғирлик қилиб қўлга тушган шахсга жамоат иззаси бериб, қолаверса қонунда айтилган тартибда чора кўриб борилaversa, ташмачилик ҳаракати пайи қирқилишига ишониниш мумкин.

Р. ҚОСИМОВ,
«Постда» мухбири.

— Участка вакили бирон бир яхши натижадан умиди бўлса, иш кабинетини одамлар орасига кўчиради, — дейди Наманган вилояти Наманган тумани ИИБ участка вакили милиция капитани Миродилла Ҳожиаҳмедов.

Мана олти йилдан бери милициянинг халқ билан энг яқин одами ҳисобланган участка вакили лавозимида хизмат қилиб келаётган М. Ҳожиаҳмедов ўзининг бу фикри асосида иш кўриб, катта муваффақиятларга эришмоқда.

Суратда: милиция капитани Миродилла Ҳожиаҳмедов участкасидаги обрў-эътиборли фуқаролар билан осойишталик



бузилишига йўл қўймаслик ҳақида маслаҳатлашмоқда.

Ҳабибулла ШОДИЕВ олган суратлар.

ВИЖДОН СУД ҚИЛАДИ

Ярми ҳажвий, ярми жиддий бу интермедияда суд раиси ролини Виждон, қораловчи ролини Адолат, оқловчи ролини Нафс ижро этади.

ВИЖДОН: — Ассалому алайкум, ҳурматли суд иштирокчилари!

Бугунги мажлисимизда Ленинград туманидаги Буйрак қишлоғида, аниқроғи 39-уйда истиқомат қилувчи Абдупатто Абдуманноновнинг қонунларимизга хилоф ҳатти-ҳаракатларини муҳокама этамиз.

Айбланувчи, биринчи саволга жавоб беринг. Қаерда ва ким бўлиб ишлайсиз?

АЙБЛАНУВЧИ: — Учкўприкдаги ароқ дўконида ҳўжайин, йўғ-е, мудир бўлиб.

ВИЖДОН: — Қораловчи, марҳамат, айблов фикрини ўқиб эшиттирсангиз.

АДОЛАТ: — Ҳурматли суд ҳайъати! Рўпарамизда ўтирган бу шахснинг шахсий широнни биласизми? «Бўлса агар текингина, биз ютамыз секингина». Қалай, зўрми?

НАФС: — Илтимос, одоб доирасидан чиқмасангиз!.. **ВИЖДОН:** — Оқловчининг эътирози инobatга олинади.

АДОЛАТ: — Қисқаси бу шахс шу йил 5 февраль куни уйдан фуқаро Йигитали Мансуровга 100 шиша, фу-

қаро Ҳайитбой Носировга 80 шиша «Кристалл» ароғини яширинча сотаётган пайтда БХСС ходимлари томонидан фош этилган. Ҳар шишаси 13 сўмдан пулланган бу зорманданинг давлат нархи 9 сўм 60 тийин.

ВИЖДОН: — Айбланувчи,

«Кристалл» деган қуриб кеткурни таниш-билиш қилиб топшининг ўзи бўлмайди. Бирини ака, бирини ука, дейшинг, керак бўлса, етти пуштингни гаровга қўйиб, ялиниб-ёлворишинг керак. Бусиз дўкончининг косасин оқармайди.

СУД ЗАЛИДАН ҒАРОИБ РЕПОРТАЖ

демак, сиз бу икки фуқаронинг 628 сўм ҳақиға хиёнат қилгансиз, шундайми?

АЙБЛАНУВЧИ: — Хиёнат эмас, адашганман.

ВИЖДОН: — Дўкон омборхонасида сақланиши керак бўлган 48 яшик, яъни 960 шиша ароғни ҳам «адашиб» уйингизга келтирганми? Эки дўкон ҳам худди уйингиздек ўзингизники бўлиб қолганми?

АЙБЛАНУВЧИ: — ...

НАФС: — Ўртоқ судья, мумкин бўлса шу саволга мен жавоб берсам?

ВИЖДОН: — Рухсат.

НАФС: — Бу ўринда аввало Абдупатто Абдуманноновнинг эпчил ва ишбилармонлигини, қолаверса, ўта одамохун, ҳожатбарорлигини эътиборга олишингизни сўрардим. Биринчидан,

Иккинчидан, отликқа ҳам топилмайдиган молни омборда эмас, уйда сақлаган ҳам беҳитрок, ҳам фойдали.

Учинчидан, ўша икки харидорни бу шўринг қургур кўчадан уйига тортиб олиб кирмаган-ку! «9 сўм 60 тийинлик ароғим бор, 13 сўмдан олсанг-олдинг, йўқса милтиқ топиб, отиб ташлайман» демаган-ку!

ВИЖДОН: — Бу дийдиеларни асосиз деб ҳисоблайман. Чунки, айбланувчи бир пайтнинг ўзида 628 сўм фойда кўраятди. Эҳтимол тўй ёки бирор йиғин қилиш мақсадида сотиб олган харидорлар айна пайтда шунча зарар қилаётди. Чуқурроқ ўйлаб қаралса, бу пуллар ўша бечоралар бола-чақасининг ризқи! Шу ҳам инсофданми?!

АЙБЛАНУВЧИ: — Битта саволим бор: инсоф дегани нима ўзи, ейдиган нарсами?

АДОЛАТ: — Ҳа, сиз учун ейдиган нарса. Сиз аллақачон ютиб, ҳазм қилиб юборгансиз.

НАФС: — Қораловчи ўта кўполлик қилди, кечирим сўрашини талаб қиламан!

ВИЖДОН: — Талабингиз қондирилмайди. Оқловчи вазифасини суниетёмол қилганингиз учун сизни сўзлаш ҳуқуқидан маҳрум этаман.

АДОЛАТ: — Мумкин бўлса, охириг марта айбланувчига савол берсам...

ВИЖДОН: — Марҳамат.

АДОЛАТ: — Айбланувчи Абдуманнонов, айтинг-чи, агар тасодиф юз бериб, бир юмалаб бир йилга ёшариб қолганингизда қандай иш тутардингиз? Яна шу ишларга қўл урардингиз ёки...?

АЙБЛАНУВЧИ: — Асло! Ғўр эканман, доғда қолдим. Агар ҳаётим бир йил орқага сурилганида орзидаги луқмасини ҳам олдирадиган найновлар билан сира алоқа қилмаган бўлардим.

ВИЖДОН: — Суд ҳукми: судланувчи Абдупатто Абдуманнонов сариқ шайтон, яъни пул васвасасига учиб, инсон деган мўътабар номга доғ туширди. Унинг манг-дайинга «текинтомоқлиги» учун судланган деган тамга бир умрга ўчмайдиган қилиб босилсин!

Суд залидан репортажни Раҳмон АЛИ олиб борди.

ФУТБОЛ • ФУТБОЛ

ШКВИРИН ҚУТҚАЗДИ

Мамлакат биринчилигининг олий лигасида навбатдаги тур учрашувлари бўлиб ўтди. 6 май куни жумҳуриятимиз футболчилари Душанбенинг «Помир» жамоасини қабул қилди. Майдонга тушган иккала жамоа ўйинчиларининг ҳам энгларидеги қора ҳошиялар жигаристонлик марҳумлар хотираси учун тутилган мотам нишони эди.

Дўст бошга кулфат тушганда билинади. Шу куни қардош тожикистонлик меҳмонлар Жигаристон жабрдийдаларига ёрдам учун икки минг сўм пул ўтказдилар. Оғир дамларда бир-биримизни қўллаш—халқимизнинг қон-қонига сингиб кетган одат. Октябрь, Чилонзор, Киров, Куйбишев туманлари ички ишлар бўлими коллективи 150-300 сўмдан, ўйингоҳда ўтирган мухлислар эса уч минг сўм пулни ёрдам кўрсатиш жамғармасига топширишди.

Учрашув ҳақида батафсил тўхталиб ўтирмақчи эмасман. «Пахтакор»нинг кейинги пайтдаги кетма-кет мағлубияти мухлислар кайфиятини ниҳоятда тушириб юборган эди. Шунга қарамасдан улар бугун «Пахтакор»дан фақат ғалабани куттишарди.

Учрашув тезкорлик билан бошланди. Футболчиларимиз уюштираётган ҳужумлар рақиблар жарима майдонида бир неча маротаба ниҳоясига етказилмади. Самарасиз ҳужумлар кўп марта такорланди. Якуни эса 15 дақиқада ўз дарвозасига тўп ўтказиб юбориш билан барҳам топди. Тўпни Ю. Батуренко киритди. Фақат биринчи бўлимнинг сўнгги дақиқаларида И. Шквирин ҳисобини тенглаштирди.

Иккинчи бўлимда Ч. Мухадов ҳисобни 2:1 га етказган бўлса, 71-дақиқада яна И. Шквирин киритган жавоб тўпи «Пахтакор»ни ўз майдонида мағлубиятга учрашдан қутказди.

Зиёвддин СОДИҚҲУЖАЕВ, «Постданнинг спорт шарҳловчиси.



Фаргона шахрилик Маҳмуджон ака 36 йил ички ишлар идораларида ҳалол меҳнат қилди. Оддий милиционерликдан милиция капитанигача бўлган йўлни босиб ўтди. Унинг кўп йиллик хизмати муносиб тақдирланган.

Маҳмуджон Аҳмедов эл осойишталигини таъминлаш йўлидаги бурчини ўташ билан бирга кўпчилик хизматига камарбаста фар-

зандларни тарбиялади. Буни қарангки, унинг ўғиллари ҳам ота касбини танлашди.

СУРАТДА: Маҳмуджон ака ўғиллари милиция капитани Муҳторжон, милиция капитани Муроджон, милиция лейтенанти Муқимжонлар билан.

Ғулужон УБАЙДУЛЛАЕВ олган сурат.

ИЧКИ МУАММОЛАР

ИИБ ҳузуридаги қўриқлаш бўлимининг марказлаштирилган соқчилик пулти бинолари эса фойдаланишга топширилди. Самарқанд вилоятининг Оқдарё, Урганч, Иштихон туманлари ИИБ, воёга етмаганларни қабул қилиш ва тақсимлаш муассасаси бинолари қайта таъмирланди. Шунингдек Бухоро, Андижон, Хоразм вилоятларида, Қорақалпоғистон Совет жумҳуриятида ҳам яхши ишларга қўл урилган.

Тошкент, Андижон ва Қарши шаҳарларида 1988-90 йилларда 440 ўринли болалар боғчалари қурилиб, фойдаланишга топширилди.

Ходимларимиз ва уларнинг оила аъзолари маиший шароитини яхшилаш борасида ҳам бир қатор ишлар олиб борилмоқда. Қашқадарё вилоятининг Чироқчи туманида 300 ўринли кашшофлар оромгоҳи қурилди.

Ходимларимизнинг 900 нафар санаторий-курортларда даволаниши.

Шуларга қарамай Самарқанд вилоятида 551, Тошкентда 524, Наманганда 123, Тошкент шаҳрида 538, ахлоқ тузатиш муассасалари бўйича 381 ходим уй-жойга муҳтожлар рўйхатида туришибди. Сурхондарё вилоятида 268 ходим шахсий уй қуриш

Шаҳримиз ИИБлари тиббий хўшёрхоналарида ҳар куни ўнлаб фуқаролар «меҳмон» бўлишади. Кўпчилигимиз бунга кўникиб ҳам қолганмиз. Бу ерда уларнинг шахси аниқланиб, жамоат иззаси бериш учун иш жойларига хат юборилади.

Агар ўша ишхоналарнинг раҳбарлари маст ҳолатда хўшёрхонага тушишса-чи! Уларга ким чора кўради!

Фақатгина шу йил март ойида Сирғали тумани ички ишлар бўлимига қарашли тиббий хўшёрхонада оз эмас, кўп эмас — ўн нафар ана шундай масъул ходимлар бир кечада тунашди. Тўғриси айтганда шармандаликин иқтиёр этиб, ор-номусни оқ ароққа алишган бундай кимсаларга улардан юқори турадиган лавозимдаги кишилар чора кўришадими-йўқми — бизга қоронғу. Шу боси уларни рўзнома орқали таништиришга жазм этдик.

ИХТИЁРИЙ ШАРМАНДАЛИК

Юқорида айтганимиздек, фақат март ойида «Ўзбектрансгаз» бирлашмаси бошлиқининг ўринбосари Валерий Николаевич Прозоров, «Созидатель» ширкати прораби Владимир Алексеевич Шахов, Сирғали авиаотряди муҳандиси Виктор Михайлович Осипов, «Оқ қуш» ширкати омбор мудир Сергей Валентинович Пугин, А. А. Саркисов номли Урта Осие ирригация ва мелiorация лойиҳа қидирув илмий-текшириш институти етакчи муҳандиси Леонид Юрьевич Синельский, «Хизмат» ширкати бошлиғи ўринбосари Шомил Ҳасанович Санаев, хўжалик ҳисобидаги жисмоний тарбия ва соғломлаштириш бирлашмаси йўриқчиси Николай Иванович Гневьев, «Ай-гун» ширкати раисининг ўринбосари Алексей Валерьевич Фомин, кўрлар жамятига қаршли қурилиш бўлимининг бошлиғи Сергей Леонидович Горбик ва Тошкент саноат қурилиши трестига қарашли 50-қурилиш-монтаж бошқармаси прораби Виктор Тарасович Романовлар жамоат жойларида ичиб, маст ҳолда юрган пайтларида хўшёрхонага олиб келинган. Раҳбар деган номга доғ тушириб, обрў-эътиборини сархушлик йўлида қурбон қилган бу кишиларга уят, дейишдан бошқа сўз тополмадик.

Қолган гапни улар етакчилик қилаётган меҳнат жамоаларни айтар, деган умиддамиз.

Ю. АЛИМЖОНОВ,

Сирғали тумани ИИБ тиббий хўшёрхонаси бошлиғи, милиция майори.

Муҳаррир Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Компартияси Марказий Қўмитаси нашриётининг Меҳнат Қизил Байроқ ордени босмаханаси, 700083, Тошкент, Ленинград кўчаси, 32.

Телефонлар: Муҳаррир, муҳаррир ўринбосари — 39-77-23, 37-23, 46-56 (ички).

«ПОСТДА» — («НА ПОСТУ») Орган коллегии МВД УЗССР

Рўзнома офсе усулида, А-3 қолипда босилган 1 2 3 4 5 6 7 8 9 10 11 12.

Буюртма — 5409.

Индекс: 64815.